



Broj: T18 0 KT 0013122 19
Brčko, 17.09.2019. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

1. **Č.F. ...**
2. **B.A. ...**

Što su:

F.Č. sam,

1.Dana 24.12.2018. godine oko 09,00 sati, u Brčkom, u sudnici broj 13 Osnovnog suda Brčko distrikta BiH, na ročištu za glavni pretres u predmetu broj 96 0 K 118497 18 K koji se vodi protiv njega zbog krivičnog djela laka tjelesna povreda počinjenog nožem na štetu ..., prilikom svjedočenja oštećenog T.M. o navedenom događaju, uputio mu ozbiljnu prijetnju da će ga ponovo napasti i ubiti a zatim istu prijetnju uputio njegovom ocu T.D. koji je sjedio u prostoru za publiku, zbog čega su ... i T. D. osjetili ugroženost i strah za sopstvene živote i pojačali mjere opreza u svom kretanju u strahu da Č. ne ostvari navedene prijetnje,

dakle, ugrozio bezbjednost više lica ozbiljnom prijetnjom da će ih lišiti života ili teško tjelesno povrijediti

2.Dana 9.4.2019. godine oko 15,30 sati u Brčkom u ul. Meše Selimovića 11, nakon svađe sa Z.E. i N.R., upotrebom cigle razbio dva stakla na prozoru kuće koju koristi Z.E., pričinivši štetu u iznosu od oko 200 KM,

dakle, oštetio tuđu stvar

F.Č. i B.A. zajedno,

3.Dana 22.10.2018. godine, oko 17,20 sati, u Brčkom u ul. 8. Marta bb, zajedno i po predhodnom dogovoru, s ciljem pribavljanja protivpravne imovinske koristi, došli u market „Konzum“, gdje su iskoristivši nepažnju radnika, dok je A. pratio da neko ne naiđe, F. je iz kase oduzeo i prisvojio novac od oko 377,00 KM, a zatim se sa oduzetim novcem udaljili u nepoznatom pravcu, nakon čega su oduzeti novac podijelili,

dakle, tuđu pokretninu male vrijednosti oduzeli drugom, s ciljem pribavljanja protivpravne imovinske koristi takve vrijednosti

4.U periodu od 25.3. do 31.3.2019 godine, u Brčkom, zajedno i po predhodnom dogovoru, nakon što je ... rođen ... godine, slučajno prisustvovao fizičkom koškanju između više lica među kojima su bili Č.F. i J.A., nakon čega je K.A. pokazao J.A. mjesto gdje je F. odbacio J. telefon, Č. i B. su, s ciljem pribavljanja protivpravne imovinske koristi, u namjeri da K.A. prisile da im preda novac na ime njihove

izgubljene zarade koju su namjeravali ostvariti od J. telefona, u više navrata upućivali ozbiljne prijetnje, na način da su:

- a) Č.F., dana 25.3.2019. godine, preko aplikacije Messenger, a preko svog Facebook profila pod nazivom ... na njegov Facebook profil pod nazivom ... , uputio ozbiljnu prijetnju riječima "Kosti ću ti polomit",
- b) Č.F., dana 29.3.2019 godine, u ulici Prnjavor, nalazeći se u društvu sa njemu poznatim licem, presreo ... i uputio mu prijetnju riječima: "Polomit ću ti zube i kosti", a zatim mu rekao da će njegovom ocu zapaliti auto, ukoliko mu ne da novac u iznosu od 50,00 KM,
- c) Č.F. i B.A. zajedno i po predhodnom dogovoru, dana 30.3.2019 godine, došli pred kuću porodice K., u ulici ... u Brčkom, gdje su od ... tražili novac u iznosu od 50 KM, nakon čega je A. pozvao svog oca K.A., kojem su Č. i B. rekli da im ... duguje novac za narkotike u iznosu od 50,00 KM, pri tome uputivši ozbiljnu prijetnju riječima „Da bi bilo bolje da dug izmiri kako A. ne bi imao problema, i da bi njihovo auto moglo letjeti u zrak“, nakon čega im je K.A., u strahu od posljedica i realizacije prijetnje, dao novac u iznosu od 50 KM,
- d) B.A., dana 31.3.2019 godine, došao u dvorište porodice K., u ulici ... u Brčkom, gdje je zatekao majku ..., K.S., od koje je, s ciljem pribavljanja protivpravne imovinske koristi, u namjeri da K.S. prisili na predaju novca u iznosu od 250 KM, tražio od nje da mu preda novac u tom iznosu 250 KM na ime navodnog A. duga, a nakon što je S. odbila da mu preda novac pozvala je svog sina K.E., koji je B. otjerao iz dvorišta, nakon čega im je B. povišenim tonom rekao da će oni vidjeti šta će ih snaći,
- e) B.A. preko svoje aplikacije Messenger pod nazivom ..., uputio ozbiljne prijetnje na profil K.E., A. brata, riječima "Nisi svjestan ko će ti doći kući sa nama, pa ćeš vidjeti", "Druže polako, kada ti tata plati kola, što izgore pa ćeš vidjeti" i "Bolje pare da da mali nego da napravimo veće sranje", a koje prijetnje su kod članova porodice K. izazvale izražen osjećaj straha za bezbjednost porodice i porodične imovine,

dakle, s ciljem sa sebi pribave protivpravnu imovinsku korist, ozbiljnom prijetnjom, prisilili drugog da što učini na štetu svoje imovine,

čime su:

- **Č.F.** radnjom pod tačkom 1. počinio krivično djelo - Ugrožavanje bezbjednosti - iz člana 180. stav 2. u vezi sa stavom 1. Krivičnog zakona BD BiH, radnjom pod tačkom 2. počinio krivično djelo - Oštećenje tuđe stvari – iz člana 287. stav 1. Krivičnog zakona BD BiH, radnjom pod tačkom 3. počinio krivično djelo – Krađa - iz člana 280. stav 2. u vezi sa stavom 1. u vezi sa članom 31. Krivičnog zakona BD BiH i radnjama pod tačkom 4a), 4b) i 4 c) produženo krivično djelo - Iznuda – iz člana 289. stav 1. u vezi sa članom 31. Krivičnog zakona BD BiH;
- **B.A.** radnjom pod tačkom 3. počinio krivično djelo – Krađa - iz člana 280. stav 2. u vezi sa stavom 1. u vezi sa članom 31. Krivičnog zakona BD BiH i radnjama pod tačkom 4c), 4d) i 4e) produženo krivično djelo - Iznuda – iz člana 289. stav 1. u vezi sa članom 31. Krivičnog zakona BD BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
